

OFFERYNNAU STATUDOL CYMRU

2022 No. 372

**Rheoliadau Cyd-bwyllgorau
Corfforedig (Cyffredinol) (Cymru) 2022**

RHAN 7

Cofnodion, dogfennau a hysbysiadau etc.

Cofnodion

25.—(1) Rhaid i gyd-bwyllgor corfforedig—

(a) gwneud trefniadau ar gyfer gofalu'n briodol am gofnodion y cyd-bwyllgor corfforedig, a'u cadw a'u rheoli'n briodol, a

(b) gwneud a chynnal cynllun sy'n nodi'r trefniadau hynny (“cynllun cofnodion”).

(2) Rhaid i gyd-bwyllgor corfforedig barhau i adolygu ei gynllun cofnodion a chaiff ddiwygio'r cynllun.

(3) Rhaid i gyd-bwyllgor corfforedig ymgynghori â Gweinidogion Cymru cyn gwneud neu ddiwygio cynllun cofnodion.

(4) Pan fo cyd-bwyllgor corfforedig yn trefnu o dan reoliad 13 o Reoliadau Cyd-bwyllgorau Corfforedig (Cyffredinol) (Rhif 2) (Cymru) 2021(1) (trefniadau ar gyfer cyflawni swyddogaethau) i unrhyw swyddogaeth sydd ganddo sy'n ymwneud â gofalu'n briodol am ei gofnodion, a'u cadw a'u rheoli'n briodol, gael ei chyflawni gan—

(a) cyd-bwyllgor corfforedig arall, neu

(b) cyngor sir neu gyngor bwrdeistref sirol yng Nghymru,

rhaid i'r cyd-bwyllgor corfforedig nodi'r trefniadau hynny yn ei gynllun cofnodion.

(5) Pan fo cofnodion cyd-bwyllgor corfforedig yn ymwneud ag ardal, neu ran o ardal, cyd-bwyllgor corfforedig arall, caiff y cyd-bwyllgor corfforedig arall hwnnw edrych ar y cofnodion hynny, a chymryd copïau ohonynt, yn ddi-dâl.

(6) At ddibenion y rheoliad hwn, cofnodion cyd-bwyllgor corfforedig yw cofnodion—

(a) ar unrhyw ffurf, ac mewn unrhyw gyfrwng, sy'n gallu cyfleu gwybodaeth, a

(b) sy'n perthyn i'r cyd-bwyllgor corfforedig neu sydd o dan ei ofal.

Adneuo dogfennau gyda swyddog priodol

26. Yn adran 225(3) o Ddeddf 1972 (adneuo dogfen gyda swyddog priodol), ar ôl “joint authority” mewnosoder “, a corporate joint committee”.

Edrych ar ddogfennau

27. Ar ôl adran 228(9) o Ddeddf 1972 (edrych ar ddogfennau), mewnosoder—

“(10) Subsections (2) to (7) apply to a corporate joint committee as they apply to a local authority and, in that application, references to a local government elector for the area of the authority are to be read as references to a local government elector for any local government area in the area specified as the corporate joint committee’s area in regulations under Part 5 of the Local Government and Elections (Wales) Act 2021 establishing the corporate joint committee.”

Copiâu o ddogfennau

28. Yn adran 229(8) o Ddeddf 1972 (copïau ffotograffig o ddogfennau), ar ôl “includes” mewnosoder “a corporate joint committee,”.

Cyflwyno hysbysiadau i gyd-bwyllgor corfforedig

29. Yn adran 231 o Ddeddf 1972 (cyflwyno hysbysiadau i awdurdodau lleol)—

- (a) yn is-adran (4), ar ôl “includes” mewnosoder “a corporate joint committee,”;
- (b) ar ôl yr is-adran honno mewnosoder—

“(5) In the application of subsection (1) to a corporate joint committee—

- (a) references to the chairman are to be read as references to the chairperson of the corporate joint committee, and
- (b) references to the principal office are to be read as references to—
 - (i) the principal office of the corporate joint committee, or
 - (ii) a principal office of a local authority for a county or county borough in Wales which is within the area specified as the corporate joint committee’s area in regulations under Part 5 of the Local Government and Elections (Wales) Act 2021 establishing the corporate joint committee.”

Hysbysiadau cyhoeddus

30. Yn adran 232 o Ddeddf 1972 (hysbysiadau cyhoeddus)—

- (a) yn is-adran (1A), ar ôl “includes” mewnosoder “a corporate joint committee,”;
- (b) ar ôl yr is-adran honno mewnosoder—

“(1B) In the application of subsection (1) to a corporate joint committee, the reference to the corporate joint committee’s area is to be read as a reference to the area specified as the corporate joint committee’s area in regulations under Part 5 of the Local Government and Elections (Wales) Act 2021 establishing the corporate joint committee.”

Cyflwyno hysbysiadau gan gyd-bwyllgor corfforedig

31.—(1) Mae paragraff (2) yn gymwys pan fo deddfiad yn ei gwneud yn ofynnol (ym mha dermau bynnag) i gyd-bwyllgor corfforedig—

- (a) hysbysu person am rywbeth, neu
 - (b) rhoi hysbysiad neu ddogfen arall i berson (gan gynnwys copi o ddogfen neu ddogfen ddiwygiedig).
- (2) Caniateir rhoi'r hysbysiad neu'r ddogfen i'r person dan sylw—
- (a) drwy ei ddanfon neu ei danfon â llaw i'r person;

- (b) drwy ei adael neu ei gadael ym mhriod gyfeiriad y person;
 - (c) drwy ei anfon neu ei hanfon i briod gyfeiriad y person drwy'r post;
 - (d) drwy ei anfon neu ei hanfon yn electronig at y person.
- (3) At ddibenion paragraff (2), priod gyfeiriad person yw—
- (a) yn achos corff corfforedig, cyfeiriad swyddfa gofrestredig neu brif swyddfa'r corff;
 - (b) yn achos partneriaeth, cyfeiriad prif swyddfa'r bartneriaeth;
 - (c) yn unrhyw achos arall, cyfeiriad hysbys olaf y person.
- (4) Os yw person wedi pennu cyfeiriad yn y Deyrnas Unedig heblaw priod gyfeiriad y person o fewn ystyr paragraff (3) fel cyfeiriad y ceir danfon hysbysiadau neu ddogfennau iddo, mae'r cyfeiriad a bennwyd hefyd i'w drin fel priod gyfeiriad y person at ddibenion paragraff (2).
- (5) Mae hysbysiad neu ddogfen i'w drin neu i'w thrin fel pe bai wedi ei ddanfon neu wedi ei danfon â llaw o dan baragraff (2)(a)—
- (a) yn achos corff corfforedig, os yw'n cael ei ddanfon neu ei danfon â llaw i ysgrifennydd neu glerc y corff;
 - (b) yn achos partneriaeth, os yw'n cael ei ddanfon neu ei danfon â llaw i bartner neu berson sydd â rheolaeth dros fusnes y bartneriaeth neu sy'n rheoli busnes y bartneriaeth.
- (6) Os nad yw cyd-bwyllgor corfforedig yn gallu canfod enw neu gyfeiriad unrhyw berchennog, unrhyw lesddeiliad neu unrhyw feddiannydd tir y mae hysbysiad neu ddogfen i'w roi neu ei rhoi iddo yn rhinwedd gofyniad y cyfeirir ato ym mharagraff (1), caniateir rhoi'r hysbysiad neu'r ddogfen—
- (a) drwy ei ddanfon neu ei danfon â llaw i berson sydd, neu yr ymddengys ei fod, yn preswyllo ar y tir neu'n cael ei gyflogi arno, neu
 - (b) drwy ei adael neu ei gadael wedi ei osod neu wedi ei gosod yn weladwy ar adeilad neu wrthrych ar y tir.
- (7) Pan fo'r gofyniad y cyfeirir ato ym mharagraff (1) wedi ei gynnwys mewn deddfiad nad yw'n ddeddfiad DDC—
- (a) mae hysbysiad neu ddogfen wedi ei anfon neu wedi ei hanfon yn electronig at berson—
 - (i) os yw cyfathrebiad electronig ar ffurf, neu sy'n cynnwys, yr hysbysiad neu'r ddogfen, neu y mae'r hysbysiad neu'r ddogfen wedi ei atodi neu wedi ei hatodi iddo, wedi ei gyfeirio'n briodol ac wedi ei anfon at y person, a
 - (ii) os yw wedi ei anfon neu wedi ei hanfon ar ffurf electronig y gellir ei chyrru a'i chadw gan y person;
 - (b) bernir bod hysbysiad neu ddogfen a roddir drwy ei anfon neu ei hanfon yn electronig wedi ei roi neu wedi ei rhoi, oni phrofir i'r gwrthwyneb, ar y diwrnod yr anfonir y cyfathrebiad electronig;
 - (c) gweler adran 7 o Ddeddf Dehongli 1978(2) (cyfeiriadau at gyflwyno drwy'r post), neu adran 26 o Ddeddf Dehongli 1889 (ystyr cyflwyno drwy'r post), am ddarpariaeth ynghylch pryd y bernir bod dogfen a anfonir drwy'r post wedi ei rhoi i berson.
- (8) Pan fo'r gofyniad y cyfeirir ato ym mharagraff (1) wedi ei gynnwys mewn deddfiad DDC, gweler adrannau 13 (cyflwyno dogfennau drwy'r post neu'n electronig) a 14 (y diwrnod pan fernir bod dogfen wedi ei chyflwyno) o Ddeddf Deddfwriaeth (Cymru) 2019(3) am ddarpariaeth ynghylch rhoi dogfennau drwy'r post neu yn electronig.
- (9) Yn y rheoliad hwn—
- (a) ystyr “deddfiad DDC” yw—

(2) 1978 p. 30.

(3) 2019 dccc 4.

- (i) Deddf gan Senedd Cymru, neu
- (ii) is-offeryn Cymreig o fewn yr ystyr a roddir gan adran 3(2) o Ddeddf Deddfwriaeth (Cymru) 2019 (deddfwriaeth y mae'r Rhan hon yn gymwys iddi),
y mae Rhan 2 o Ddeddf Deddfwriaeth (Cymru) 2019 yn gymwys iddo;
- (b) ystyr "deddfiad nad yw'n ddeddfiad DDC" yw deddfiad nad yw Rhan 2 o Ddeddf Deddfwriaeth (Cymru) 2019 yn gymwys iddo.

Dilysu dogfennau

32. Yn adran 234(4) o Ddeddf 1972 (dilysu dogfennau), ar ôl "includes" mewnosoder "a corporate joint committee,".